

DAR KLÓANE
CATECHISMO
VOR
DE SÍBEN KAMEÜN
MIT
HALGHEN GASANG.

Ver. G. G. III A.

6. 2. 16.



Vet. Ger. III A. 426.

DAR KLOANE
CATECHISMO

VOR

Z' BÉLOSELAND

VORTRÁGHET IN Z'GAPRÉCHT

VON SÍBEN KAMÉÜN

UN

A VIAR HALGHE GASANG



IN SEMINÁRIEN
VON PÁDEBE

1842



NOI
MODESTO FARINA

PER LA GRAZIA DI DIO E DELLA S. SEDE APOSTOLICA
VESCOVO DI PADOVA

I. R. CONSIGLIERE DI GOVERNO,
CAVALIERE DELL' I. R. ORDINE AUSTRIACO
DELLA CORONA DI FERRO
E DELL' IMPERO AUSTRIACO.

Ai MM. RR. Parrochi e Curati de' Sette Comuni.

Essendo già esaurita l'edizione del piccolo Catechismo recato nella lingua de' Sette Comuni nel 1813 per comando del nostro antecessore M.^e Dondi Dall'Orologio, di felice memoria, ed avendo Noi nelle visite fatte in quel circondario conosciuto, che in varii di que' paesi si continua ancora a parlar lo stesso dialetto; così ordiniamo a maggior gloria di Dio, che ne sia fatta una ristampa col-l'aggiunta di alcuni cantici spirituali. Ci

giovà sperare che anche questo sarà un mezzo a conservar intatti i principii della vera religione, quali con nostra somma compiacenza gli abbiamo riscontrati in quella diletta parte della nostra Diocesi.

Dal Vescovado di Padova
a di 24 Giugno 1842.

✠ MODESTO. VESCOVO.



AVVERTIMENTO

A CHI LEGGE



***P**er essere questa lingua de' Sette Comuni un dialetto della tedesca, ci serviamo, in tutto ciò che non si può fare a meno, dell'ortografia di quella lingua. Per incominciare perciò dalle vocali, queste tutte si pronunciano come nella lingua toscana. Li dittonghi poi nella lingua, in cui siamo per iscrivere, sono diversi nel suono dalla pronuncia toscana, due soli de' quali sono necessariamente rinunciabili.*

Il primo è il dittongo oe ovvero ò, il quale si pronuncia come una e chiusa ed oscura, presso poco come l'oeu de' Francesi nella parola coeur; oel ovvero òl olio, nella lingua de' Sette Comuni.

Il secondo è l'ue ovvero ù, a cui si può sostituire la ü con due puntini di sopra, ed equivale nella pronuncia all' u francese. Übel o übel male.

Passando poi alle consonanti, la h non è mai oziosa in questa lingua, e quando si trova in

principio delle parole e delle sillabe, si pronuncia sempre con una sensibile aspirazione, come nelle seguenti parole: haben avere, bohüten difendere.

La z si pronuncia come tz, cioè con maggior forza della z italiana: zornik in collera.

Venendo finalmente alle consonanti unite, le due ch trovandosi in mezzo o in fine delle parole vogliono essere pronunciate come la χ de' Greci, cioè con una spezie di gorga, che ben possono intendere i nazionali dai soli esempj richten aggiustare, ich io.

Le tre lettere sch, ovunque si trovino unite, si leggono come il ch de' Francesi: escherot color di cenere, schbarz nero.

Essendovi poi delle varietà in tutti i paesi che parlano questa lingua, ed essendo impossibile uniformarsi a tutti in una traduzione sola, abbiamo adottato il modo più universalmente inteso e praticato: come pure abbiamo abbandonato in certi casi l'esattezza dell'ortografia per renderne men difficile la lettura alle persone idiote, e specialmente ai fanciulli, l'istruzione de' quali è l'unico oggetto della presente traduzione.



C A T E C H I S M O

ÉARSTE SCHULE

VON ME MÁCHENSICH Z' HALGHE KRÉÜZE

Móastar. *Säitar iart Christan?*

Schular. Ja: ich pinz az Gott vorg'heltz.

M. *Baz ist an Christan?*

S. Ar ist dear, da ist gatöfet, un clobet, un professärt baz da hatüz galiarnet Jesu Christ.

M. *Baz ist, dæ mächetüz dorkénnen vor Christan?*

S. Baz da mächetüz dorkénnen vor Christan, ist' dez halghe Kréüze, ba bar machen séghentenüz.

M. *Séghentach sait?*

S. In nomine Patris, et Filii, et Spiritus Sancti.

M. *Benne nóatetz séghensich?*

S. Af schmórghezen af me stenan auf, af schábacen af me ghenan slafen, un héventen aan, un ríventen alle di grözorsten arbot, ba bar machen.

DE ZBOA SCHULE

VON GOTTE ME HERREN

M. *Bear hatüz gaschäft, un galèt af de belt?*

S. Gott dar Herre ist dear da hatüz gaschäft,
un galèt af de belt.

M. *Brumme hátarüz gaschäft un galèt af de
belt Gott dar Herre?*

S. Zo dorkénnehen, zo bélenme bool, un zo
serviarnme, un asò gavinnenüz in Hüm-
mel.

M. *Bear ist Gott dar Herre?*

S. Ear sit dear da hat gaschäft de belt, un
ist dar éarste Herre von álleme.

M. *Gott dar Herre hatar korp?*

S. Ear hat net koan korp, ear ist an püar-
dar Spirito, ba biar möghen net seghen,
net aan rüarn.

M. *Istda hörtan gabéest Gott dar Herre?*

S. Ja. Gott dar Herre ist hörtan gabéest, un
hat hörtan zo sáinen.

M. *Ba istdar Gott dar Herre?*

S. Ear ist in Hümme, af d' éarda, un übarálle.

M. *Gott dar Herre sighetar nun allez?*

S. Ja: Gott dar Herre sighet allez in an dar-
véarte baz da ist hemmest, baz d' ist ga
béest voar, un baz da hat zo sáinen, un
sighet dar pai allez baz bar haben in
z'herce och.

DE DRAI SCHULE

VON ME MISTERIEN VON DAR HALGHEN TRINITE

M. *Sáintda eppa méaror Gott?*

S. Niet: z'istda net, un manda net sain andarst bedar an Gott anlóan.

M. *Bibel persúun sáintda in Gott den Herren?*

S. In Gott den Herren sáintda drai persúun.

M. *Bele sáintsa dise drai persúun?*

S. Dar Vater, dar Sun, dar Halghe Spirito.

M. *Dar Vater istdar Gott?*

S. Ja.

M. *Dar Sun istdar Gott?*

S. Ja.

M. *Dar Halghe Spirito istdar Gott?*

S. Ja.

M. *Sáintda sait drai Gott?*

S. Niet: seü saint drai persúun, un kóana von in ist net d'andar, un machent an Gott anlóan.

M. *Unbrümme sáintsa dise drai persúun an Gott anlóan?*

S. Brümme de natura, un de Divinità von óandar ist de natura, un de Divinità von den andarn peden och.

M. *Bela von disen drai persúnn ist áltor, un bela mak méaror?*

S. Alle drai sant galáiche in álleme.

DE VIARE SCHULE

VON ME MISTÉRIEN VON DAR INCARNAZÚIUM

- M.** *Bela von drain persúum von dar Halghen Trinitè hatsich gamàcht man?*
- S.** Gott dar Sun, da ist dez zboa Mennes.
- M.** *Baz vorstétar iart, benne ar ködet, bia Gott dar Sun hatsich gamàcht man?*
- S.** Ich vorstéa, bia Gott dar Sun hatme ganúmet an korp, un an séela, bia bar haben biar:
- M.** *Ba hátarme ganumt, disen korp, un disa séela?*
- S.** In z'laib vun dar Sélighen liben Vraun.
- M.** *Bia istdar gabèst concepiart in z'laib von dar liben Vraun?*
- S.** Disa ist gabèst alla arbot von me Halghen Spirito
- M.** *Dar Sun von Gotte me Herren mächènten-sich man hatar galàzt zo sáinan Gott?*
- S.** Niet: ear ist Gott, un man och.
- M.** *Dar Sun von Gotte me Herren gamàcht man bia rüfetsich?*
- S.** Ear rüfetsich Jesu Christ.

DE VÜNVE SCHULE

VON ME MISTÉRIEN VON DAR REDENZIÚUM

- M.** *Brumme hátarsich gamàcht man dar Sun von Gotte me Herren?*

- S. Zo lösanüz von dar hellen, un zo liberá-
rarnüz von me tóade von dar séeln.
- M. *Bia hátarüz ear galöset von dar hellen, un
liberáart vun me toade von dar séeln?*
- S. Schüttenten allez sain plut, un stérbenten
af dez halghe Kréuze vor üz.
- M. *Starbar net vor üz Jesu Christ, böarbar
biar gabèst vorlóart?*
- S. Ja: biar böarn vorlóart von dar'sünten be-
ghen von me Adámen.
- M. *Un bia böabar biar gabèst vorlóart?*
- S. Brumme de sünte von me Adámen hat üz
gamäct büarten in de sünte.
- M. *Bia rüfetsich disa sunte?*
- S. De sünte Originale.
- M. *In beln tak ist vor üz gastórbet Jesu Christ?*
- S. In Kárvraitak.
- M. *Jesu Christ istdar boldäbet toat?*
- S. Niet: drai taghe nach me tóade istdar dor-
lénteghet.
- M. *In beln tak istdar auf gastánt von me
tóade?*
- S. Af m'Oastarn taghe.

DE SEXE SCHULE

VON DAR KERCHEN

- M. *Baz hat gatánt Jesu Christ dar nach ar
ist auf gastánnnet von me tóade?*

S. Ear hatsich gamächt seghen vor viarzk taghe sain schularn, un hatse galiarnet.

M. *Un nach den viarzk taghen baz hatar gatant?*

S. Ear ist gant in Hümmel af der Aufart.

M. *Baz hatar gatant, darnäch ar ist gabest in Hümmel?*

S. Ear hat gaschikt den Halghen Spirito zo illumináran de sain Kercha, zo vüllanse von gaschänk un grázien.

M. *Baz bil sain gamóant Kercha?*

S. Vor Kercha ich vorstéa alle di Christan léute ba saint áuzgaströbet dort alla de belt, un volghent iarn rechten Schäafarn.

M. *Bear ist dar kopf von dar Kerchen?*

S. Dar kopf vun dar Kerchen, ba sich net sightet, ist Jesu Christ; un dear sich sightet ist dar Babost.

M. *De Kercha ba langhe hátseda zo sainan?*

S. De Kercha hat zò sainan hörtan, un asò langhe, bia de belt.

M. *Zo salvárnsich nóatetz nun sain von dar Kerchen?*

S. Ane véel, brumme auz von dar Kerchen istda net Hümmel.

DE SÍBENE SCHULE

VON COMANDAMÉNTEN VON GOTTE ME HERREN,
UN VON DAR KERCHEN

M. *Zo ghenan in Hümmel tüüz sain gatófet,
un cloben?*

S. Niet: mözsich dar pai volghen den Comandaménten von Gotte me Herren.

M. *Bibel saint de Comandaménten von Gotte me Herren?*

S. Zéghene.

M. *Kötmarse auf.*

S. 1. Adoràrn an Gott anlóan.

2. Köden nia umme nicht sain hálghen namen.

3. Vairn de Vaertaghe.

4. Earn vater un muter.

5. Töten net koaz.

6. Sün ten net met den báibarn von den andarn.

7. Stooln net.

8. Machen net in valschen testimónien.

9. Günnensich net z'baip von den andarn.

10. Günnensich net z'gapléterach von den andarn.

M. *In minschen boart baz hatsich zo tünan
zo volghen allen dísen Comandaménten?*

S. Bellen bool Gotte me Herren, un me prósimen.

M. *Noatetz volghen in Comandaménten von dar Kerchen och?*

S. *Sichar brumme biiz Gott dar Herre.*

M. *Bibel sáintsa de Comandaménten von dar Kerchen?*

S. *Di earsten, un di da saint méaror vor alle, saint sexe.*

M. *Kötmarse auf.*

S. 1. *Vairn, un lüsen auz de Misse alle de Súntaghe, un di vorpóttan Váer-taghe.*

2. *Páichtensich af dez mindorste an botta af z'jaar.*

3. *Borrichtensich in d' Oastarn af dez mindorste.*

4. *Vasten de Vasta, un de viar Contémparn, un de Vilge.*

5. *Ecen net vloasch de vráitaghe, un de sástaghe.*

6. *Machen net hōazot in de halghe zait*

DE ACTE SCULE

VON DAR SÜNTE

M. *Baz ist de sünthe?*

S. *De sünthe ist an volghen net Gotte me Herren.*

M. *Bibel dar hanne sünthe sáintda?*

S. *Zboa dar hanne, sünthe originale, un sünthe attuale.*

M. *Baz ist de sünste originale?*

S. De sünste originale ist deü bar traghan met üz von müterlaibe, da bil moan, büartenten.

M. *Baz ist de sünste attuale?*

S. De sünste attuale ist deü bar machen biar dar nach bar haben aan gahévet zo kennan de recht.

M. *Bibel dar hanne sünste attuali sdintda?*

S. Zboa dar hanne, de tóata, un de veniale.

M. *Baz ist de tóata sünste?*

S. De tóata sünste ist deü da ghít in tóat dar seeln némmentenar de grazia von Gotte me Herren, da ist iar leban.

M. *Nóatetz haben gamàcht viil sünste zo gheen in de hella?*

S. Niet: an tóata sünste anlóan tüt.

M. *Baz ist de sünste veniale?*

S. De sünste veniale ist deü da nimmetüz net de grazia von Gotte me Herren: se máchetse bul lechter, un borroätetüz zo vallen in de tóata sünste.

M. *Af bibel hant süntetsich?*

S. Af viar hant: met den pensieren, met den bóarten, tüntem baz bar sölten net, un tünthen net baz bar sölten.



DE NEÜNE SCHULE

VON SÜNTEN CAPITALI

M. *Bibel saint de sünte, da rüfentsich Capitali?*

S. Sibene: Superbia, Scárcekot, Schántekot, Zórnekot, Náidekot, Nait, Náalecekot.

M. *Baz ist de Superbia?*

S. De Superbia ist an móansich zo viil, un von díseme begheñ háltensich vor méaror bedar di andarn, un bélensich högarn übar d'andarn.

M. *Baz ist de Scárcekot?*

S. De Scárcekot ist an sáinan zo viil gatrát vor z'guut von disar éarden, un übar allez vor z'ghelt.

M. *Baz ist de Schántekot?*

S. De Schántekot ist de úrrane sünte von dar finneghekot.

M. *Baz ist dar Nait?*

S. Dar Nait ist an lácenüz tüün ante de gálúke von andarn, brumme bar moan boláibensan biar gaschádet.

M. *Baz ist de Náidekot?*

S. De Náidekot ist an sain zo viil gatrát zo trinken, un zo vrecen.

M. *Baz ist de Zornekot?*

S. De Zórnekot ist dar muut da springhetüz auf, un trághetüz zo smitzen earsink baz da schádetüz, odar infälletüz.

M. *Baz ist de Náalecekot?*

S. De Náalecekot ist de onlústekot, un de hántekot da máchetüz lacen steen zo tünan baz bar haben zo tünan, entor bedar nützenüz, bibel bar möghen, zo tünanz.

DE ZÉGHENE SCHULE

VON VIRTÙ TEOLOGALI

M. *Bele saint de virtù, da méaror nóatent an ame Christan?*

S. Di virtù da rüfentsich Teologali, odor Divine

M. *Bibel sáintsa de virtù Teologali?*

S. Draí: Fede, Speranza, Carità.

M. *Baz ist de Fede?*

S. De Fede ist an virtù da kemmet von Gotte me Herren, vor bela biar cloben in Gott den Herren, un allez baz ear hat gamächt bichen sàindar Kerchen.

M. *Machet an atten von dar Fede.*

S. Máindar Gott, ich clobe allez baz eüch hat gavället zo máchemar bichen, un clobez met álleme herzen, sichar sichar, un bólte entor sterben, bedar haben koana vorte az net asò sai, brumme ar habetz galiarnet iart, éarsta un síchara dabárot, da ar möghetach net veeln, net liarnen kóame zo véelan. Ich clobe, bia iart sait

hörtan gabéest, un sait, un liabet hörtan
 zo sáinan; un bia iart sait an Gott anlóan,
 un drai persúun galáiche, kóana von
 beeln ist net d'andar, Vater, un Sun, un
 Halgar Spirito. Ich clobe dar pai, bia iart
 ghebet allen baz se hábentin gavúnnet,
 in Hümmel den gúuten, un de hella den
 pösen. Ich clobe, bia dar Sun von Gotte
 me Herren batsich incarnárt un gamácht
 mann in dez püarorste laib von allen, von
 dar liben Vraun, vor arbot von me Hal-
 ghen Spirito; hat galáidet, un ist gastór-
 bet af z'Kréuze zo lösanüz von dar hel-
 len, un gavinnenüz in Hümmel; un bia
 drai taghe darnaach ar ist auf gastánt von
 me tóade. Ich clobe vor lest alle di an-
 darn dabárot, da clóbentsich in de hal-
 ghe Kercha cattolica romana, in bela
 ich bil sichar léében un sterben.

M. Baz ist de Speranza?

*S. De Speranza ist an virtù, ba da hatüz ga-
 schénket Gott dar Herre, da máchetüz
 páiten in Hümmel, ba ear hat vorhóacet
 den selben, da vólghentme.*

M. Machet an atten von dar Speránzen.

*S. Máindar Gott, dez main herze séüftet zua
 eüch, máina éarsta un lédega galucke;
 un gamácht herze, tort ar sait asò guut,
 un gasichart von eürme bóarte, da mak
 net veeln, ich páite sichar, vor baz da*

hat galaidet dar ünzar Herre Jesu Christ, vorghébanghe von main sünten, un hölfe zo süntan nimmar mear, un zo haltenmich saldo starch in de bool dort allez main leban, un zo salvärn main séela, hölfentenmich bibel ich mak mit dar eür hölfe, bia ich vorhöace zo tünan.

M. *Baz ist de Carità?*

S. De Carità ist an virtù ba da hatüz gaschénket Gott dar Herre, vor bela biar beln bool ime übar alle de dink, un dem' ünzarn próssimen bia üz andarn.

M. *Machet an atten von dar Carità.*

S. Máindar Gott met miar asò hérzelach un guut, ich bilach bool übar alle de dink, un bilach bool net káuma vor sobel bool, ba ar hábetmar voar hemmest gamácht, un páite nöch vüar un vüar von eürn hánten; übar allez ich bilach bool brumme ar sait an Gott, da meritáart zo kemman bool gabelt ane koan oart, sáinten iart von eüch selbort alla de bool. Ich bil denne bool, vor eüch, allen den main próssimen, bia miar; un ich vánghese drin alle met allar macht von máinme herzen, brumme se' galáichentach eüch, un iart hábetse gascháfet, un galöset von dar hellen: un dar pai ich bil bool allen den och, da hábentmar gatant unrech; un ich vorghibin allen vo'herzen ghearn,

sobel bia ich mar gümne az ar mar iart
vorghébet miar, pittentenach aan az ar
schenketin sobel bool, un méaror och,
bibel se'häbentmar seü miar übel ga-
täant, un gagünnet.

DE OLVE SCHULE

VON ME GAPÈT

M. *Baz ist z' gapèt?*

S. Z' gapèt ist an hévensich met dem' unzarn
herzen in Gott den Herren.

M. *Bibel dink belntda sain zo péetan gar-
recht?*

S. Vünve: halten de mînte stille af baz sich
küt, naïghensich tiif mit me herzen; con-
fidáarn, az ūz kemme ghet baz bar pit-
ten; pitten baz da ist recht, un guut;
un vor lest péeten saldo.

M. *Beelz ist dez peste gapèt, ba biar möghen
machen Gotte me Herren?*

S. Dar Pater noster, da rüfetsich z' gapèt von
Gotte me Herren.

M. *Köt auf z' gapèt von Gotte me Herren.*

S. Ūnzar Vater vön me Hümmele, sai gaéart
eür halgar namo; kemme dar eür Hüm-
mel; sai gataant allez baz ar belt iart, bia
in Hümmele, asò af d'earda; ghetüz heü-
te ūnzar proat von altághe; un lácetüz
naach ūnzare schulle, bia bar lácense

naach biar den da saint schullik üz; hältetüz gahütet von tentaciün; un hévetüz de übel. Asò saiz.

M. *Bittan gapèt saitar gabóont zo machan naach me Pater noster?*

S. De Ave Maria, gapèt, ba bar machen dar liben Vraun.

M. *Köt auf de Ave Maria.*

S. Ich grüzach, Maria, volla grázien, Gott dar Herre ist met eüch; séelik iart übar de baibar; un séelik z' kint von éürme láibe, Jesus.

Halga Maria, Muter von Gotte me Herren, pittet vor üz süntar, hemmest, un af an stunt voñ ünzarme tóade. Asò saiz.

M. *Beelz ist dez peste gapèt, ba sich machet untar d' oghen von allen?*

S. Dez peste gapèt, ba sich machet untar d' oghen von allen, ist de halgha Misse.

DE ZBELVE SCHULE

VON SACRAMÉNTEN

M. *Baz vorstétar iart vor Sacramént?*

S. Vor Sacramént ich bil moan an segnen, da sighetsich, odar hõartsich, auz gavünt von dem'ünzar Herren Jesu Christ, zo máchenüz holik.

M. *Bibel saintsa de Sacraménten?*

S. De Sacraménten saint sibene: de Tóofe,

de Cresima, d'Eucaristia, de Päichte,
z'Orgöl, dar Uardo, dar Matrimonio.

M. Baz ist de Tóofe?

S. De Tóofe ist an Sacramènt, da máchetüz
christan, süne von Gotte me Heren, un
von dar Kerchen.

M. Baz ist de Cresima?

S. An Sacramènt, da ghittüz den Halghen
Spiriten, un máchetüz véare un ganze
christan.

M. Baz ist d'Eucaristia?

S. D'Eucaristia ist an Sacramènt, da ist dar
véare Korp, un Pluut, un Séela, un Di-
vinità von dem' ünzar Herren Jesu Chri-
st untär, baz da priart proat un bain.

M. Baz ist de Päichte?

S. De Päichte ist an Sacramènt, da vorghit
de sünthe, ba bar haben gamàcht naach
dar Tóofe.

M. Baz ist z'Orgöl?

S. Z'Halghe Öl ist an Sacramènt auz gavunt
zo helfen in süchen vor de séela, un vor
in korp.

M. Baz ist dar Uardo?

S. Dar Uardo ist an Sacramènt, da ghit zo
möghen machen de funziuum von dar
Kerchen, un grazia zo máchense gar-
recht.

M. Baz ist dar Matrimonio?

S. Dar Matrimonio ist an Sacramènt, da ghit

den da borrhäntsich grazia, zo leban mit-
tan andar bia rechte christan, un zo liarn-
nen iarn kindar zo temiarn Gott den
Herren.

DE DRAÍCENE SCHULE

VON DAR PAICHTE

M. *Baz ist de Paichte?*

S. De Paichte ist an ködan auf an ame Pai-
chtar alle de sünthe, ba bar haben ga-
màcht, zo kemmensan darvóon assól-
vart.

M. *Baz habar zo tünan zo paichtenüz garrècht?*

S. Bar möcen süchen auz bool ünzare sünthe,
máchensüz ante tüün in me herzen, un
päichtense alle, ba net andarst de toaten
ane schbáighen, net halten kóana vor-
pórghet.

M. *Bia möcebarüz päichten?*

S. Bar möcenüz börfen af de kniin, séghe-
nüz, un köden me Päichtar: Seghent-
mick Vater, odar: *Benedicite etc.*

M. *Baz mözsich denne tüün?*

S. Köden auf in *Confíteor* fin af an *mea cul-
pa*. Köden denne se dar benne bar sai-
nüz net gapäichtet: un vor lest teeln
auf alle de sunthe.

M. *Dar naach zo haben gapäichtet alle un-
zare sunthe baz boläibetüz zo tünan?*

S. Bar möcen lüsen auz bool baz da kötüz dar Päichtar, rivén in *Confiteor*, un met álleme herzen machen an atten von Contriziúun.

M. *Machet an atten von Contriziúun.*

S. Máindar Gott, übar alla de übel sáintmar loat maine sünte, seü tüntmar ante met álleme herzen, tort se' saint sobel úrran, un darmite ich haan dorffinneghet de main séela, dorschéntet in mich d'eür imagine, un stönnemar bool az ar mar nömmet alla de bool, un az ar mar entor göttet alla de übel: unbrümme dar pai tort ich hanach asò kaif gatànt unrecht. sölteda nimmar mear sain koan Hümmel vor mich, un entor söltich kemmen geschmizt in de hella. Mearor viil denne infállentmar de main sünte, un tüüntmar ante, brumme süntenten ich han unrecht gatànt an ame Gott asò guut, asò groaz, bia ar sait iart. Ich bölte sain entor gastórbet, bedar hábenach gatànt unrecht; un ich vorhóace sichar sichar mit dar eür hólfe zo tüünach koan' unrech nimmar mear, un nimmar mear infállenach, brumme ich bilach bool übar alle de dink.

M. *Baz habar zo tünan nach dar ünzarn päichte?*

S. Bar möcen ringrazlärn den ünzarn Gott

von dar grázien ba ar hatüz gamàcht,
 machen de Penitenza ba dar Páichtar
 hatüz ghet, un abidar vorhóacen zo net
 mear süntén.

GAPÈT VOR IN MORGOND

In namen von me Vátère, un von me Sune,
 un von me Halghen Spiriten. Asò saiz.
*Léghebarüz vraan Gotte me Herren, ado-
 ráarbarn, un ringraziárbarn vor alla de bool
 ba ar hatüz gamach.*

Gott d'ar allez möghet, un scháffentenüz
 habet gabelt az bar galáichen eüch, un hábe-
 tüz gamàcht guut zo bélenach bool, un mö-
 ghenach haben vor hörten, ganáighet vraan
 eüch biar adoráarnach vor den éarsten Her-
 ren von álleme. Biar paiten allez von eüch
 brumme ar sait guut. Biar belnach bool met
 álleme herzen, tort z'kimmetach zo kem-
 men bool gabelt übar alle de dink.

O Gott, d'ar allez habet in eürn hánten,
 biar dokénnen zo haben nicht, da net kem-
 met von eüch. Nia belbar riven zo vorkün-
 nen eür linnez berze, un zo ringrariáznach
 von allar dar bool, ba ar hábetüz gamàcht,
 un übar allez zo hábenüz ghet de lichte von
 me rechten cloben léghentenüz in schóacen
 dar eürn vearn Kerchen, un zo habenüz net
 disa nacht galázt gaschighen koan'übel

*Mächebarüz kemmen vüar de sünte, in bele
bar vallen méaror ofte, vóarsebarsan vor-
ghebenghe Gotte me Herren, süchebar vraa-
hiin baz ist, da mächetüz öfter vallen in de
sünte, un vorhóacebar zo háltenüz gahütet
von söttan occasiúun, un von söttan sünten.*

R A S T E N

*Vóarsebar Gotte me Herren hólfe zo sünten
net mear, un ófferbarme allez baz bar ha-
ben zo tünan in diseme taghe.*

Herre Gott von allar macht, d'ar hábetüz
gamàcht recken af di éarsten stunten von di-
seme taghe, hütetüz met alleme eür möghen,
az bar net héüte vallen in kóana sünte, un
az alle ünzare pensieren, boart, un dínoste,
gahólft vun dar eürn grázien, haben káuma
vor cil z'vortrághenüz, bia z' gavállet eüch:
bar vóarsenz vor Jesu Christ eür Sun un
ünzarn Herren, da lebet un regnàrt pan eüch,
un pan me Halghen Spiriten hörтан, un abi-
dar hörтан. Asò saiz.

*Az üz dar ünzar Gott schenke alle de sain
grázien, péetebarme dez gapèt, ba da ha-
tüz galiarnet dar ünzar Herre Jesu Christ.*

Ünzar Vater von me Hümmele etc.

*Pittebar de liba Frau, az sii pitte vor üz Gott
den Herren.*

Ich grüzach Maria etc.

Dorlénteghebar ünzar cloben ködenten auf in Creden.

Ich clobe in an Gott Vater da mak allez, da hat gaschäft in Hümmele un d'éarda: un in Jesu Christ sain anlóandar Sun ünzarn Herren, da ist gabéest concepiart vor arbot von me Halghen Spiriten: gabüartet von Maria Vergine: hat galáidet untar Pontio Pilato: ist gabéest ganághelt af z' Kreuze, gastórbet, un bográbet: ist gant nidar in de hel-la: drai taghe darnáach ist auf gastánnnet von toáten: ist gant zu'Hümmele: sitzt af de rechte von me Gott Vátère da mak allez: von da hatar zo kemman zo judicáran lenteghe un toáte. Ich clobe in den Halghen Spiriten, in de halghe Kercha cattolica, un haben toal von dar bool von Hóleghe, de vorghébenghe von sünnten, z'dorléntegen von toáten, un an silléttan léeban af d'andar belt. Asò saiz.

Asò de liba Vrau, de halghen Enghele, un alle de Hóleghe pitten vor üz ünzarn Herren Jesu Christ.

Asò Gott da mak allez vüarüz in de ün-zarn dineste alle, un túa, az alle sain geláiche me sain halghen bellen: hūtarüz von allar übel: vüarüz in Hümmele: un vor de sain

linnekot ghebe bool in seeln von armen toa-
ten. Asò saiz.

GAPET VOR IN ABEND

In namen von me Vátère, un von me Sune,
un von men Halghen Spiriten. Asò saiz.

*Léghebarüz vraan Gotte me Herren, ado-
rárnbarn, un ringraziárnbarn vor alla dar
bool, ba ar hatüz gamàcht.*

Bar adorárnach, maindar Gott, d'ar sait
hia pan üz: bar éarnach, bar béllenach bool,
un dorkénne nach vor in Vater von dar gu-
tekot, un vor in prunnen von allar dar bool:
bar ringraziárnach met alleme herzen von
allar dar bool, ba ar hábetüz gamàcht, un
übar allez von dear ba, guut ane oart bia
ar sait, ar hábetüz gamàcht indarzalt díseme
taghe.

*Vóarsebar de hólfe von me Halghen Spiriten
zo kennen, un detestáarn unzere sünthe.*

Halgar Spirito, léüchtet in ünzar séela met
éurar lichte, un máchetüz kennen bibel, un
ba groaz saint unzare véelar: züntet aan ün-
zar herze mit me veüre von dar eürn Ca-
rite, az bar detestáarn unzare sünthe, un az
üz ante túa kaif sáinda drin gavallet.

Süchebar auz de véelar in bele bar sain gavället héüte met den pensieren, met den hóarten, tünten baz bar net hötten gasölt, ödar tünten net baz bar hötten gasölt zua Gotte me Herren, zua den andarn, un zua üz; un übar allez dorstillebar af dii, in béele öfter bar vallen.

R A S T E N

Zoaghebar Gotte me Herren, bia z' istüz hantik sain vorgànt zo infallenme.

Gótt máindar, biar vóarsenach met alleme herzen vorghébenghe, un sune vor den ünzarn Herren Jesu Christ, eür Sun. Z' tütüz ante übar alle de dink hábenach ünrecht gataant. Bar detestáarn ünzere sünthe, brumme se' infällent eüch, un iart sait asò guut. Bar vorhóacenach met dar hilfe von dar eürn grázien zo vallenda nimmar mear, lúghenüz von occasiúun, un máchensan penitenza.

Máindar Gott, vortrághetach net met üz, bia bółten ünzare sünthe, castigáartüz net dar voon, bia de stönnüz bool aan; machet éntor seggen übar üz, ba guut ar sait, un bibel gatrát zo vorgheéban. Dornichtet in üz dez ünzar sain sobel gatrát vor de übel: séübartüz von sünthen allen: dorbéartüz von me ongapáiten tóade, un schénchetüz de gra-

zia zo máchensan penitenza, un zo sterban
béntenach bool. Asò saiz.

Credo in Deum etc.

Confiteor Deo etc.

Ich páichte Gotte me Herren da allez mak,
un dar sélegghen Mariin silléttan Vergine, me
sélegghen Michele Arcángelen, me sélegghen
Hannes Batisten, den halghen Apósteln Pe-
tar un Paulo, un allen Hólegghen, un eüch,
Vater, bia ich han gasüntet urran viil, mit
pensieren, mit bóarten, mit me tüün, vor
main colpa, vor main colpa, vor main éfte-
ga gróaza colpa: von disemé begghen ich pitte
de seleghe Maria silléttan Vergine, den séle-
ghen Arcángelen Michel, den sélegghen Han-
nes Battista, de halghen Aposteln Petar un
Paulo, alle de Hólogghen, un eüch, Vater az ar
pittet vor mich ünzarn Herren Gott.

Dar Gott da allez mak sich lace dorpär-
men vor üz, un darnáach zo hábenüz vor-
ghèt ünzare sünthe vüarüz in Hümmel. Asò
saiz.

Vorghébüz, assólvarüz, lácerüz naach ün-
zare sünthe dear Gott da allez mak, un ist
sobel gatrát zo vorghéban. Asò saiz.

Pater noster, qui es in caelis etc.

Ave Maria, gratia plena etc.

Sancta Maria etc.

Gróazar Gott, biar pittenach met allar ün-
zar möchte vor den ünzarn Halghen Vater
in Babost, vor den ünzarn Vischof, vor den
ünzarn König, vor alle di da governáarntüz
un reguláarntüz, vor d'ünzare vreünte, guu-
te csellen, un váinten, un vor alle d'ünzare
prüdare, da saint vudar von hia. Báighetse
alle, un vüartse vor in bek von me Hüm-
mele.

Bar pittenach dar pai, Gott dar Herre, vor
de seeln von eürn liben, da láident in Pur-
gatorien. Lácetin mach de páine, ba da kém-
metin vor d'iarn sünten, un ghettin dez
schöne léeban von me Hümmele, ba se' ha-
bent silléttan gasüchet. Bar vóarsenzach vor
den ünzarn Herren Jesu Christ da léebet
un regnáart met eüch, un met me Halghen
Spiriten hörta, un abidar hörta. Asò saiz.

*Vóarsebar Gott den Herren, az ar üz net
lace sünten disa nacht.*

Máindar Gott, tüüt, az bar üz bool hör-
tan halten galúghet, az bar halten hörta
bool offen d'oghen, brumme dar teüvel ün-
zar vaint ghéetüz hörta umme naach lüün-
ten bia an liüun, süchenten beme slinten.
Ghettüz macht zo háltenzme, un boláiben
starch in de Fede.

Halga Maria, ünzar Vrau, Muter von dem'ünzarn Gott, pittet vor üz. Halghe Enghele ünzare hütar, hütetüz, Höleghe, un Höleghen pëetet vor üz.

Gott dar Herre da mak allez, un lácetsich ghearn dorpärmen, Vater, Sun, un Halgar Spirito, ghebüz an guta nacht, un an halghez oart. Asò saiz.



HALGHE GASANG

DE BÜARTENGHE

VON JESU CHRIST

Darnaach viartáusong jahr
 Az dar Adam hat gavélt,
 Ist kemmet af disa belt
 Dar ünzar libe Gott.
 Ear af dar belte kammet,
 Un steet vor hörten hia,
 Büartenten von María,
 Zo raicheren in mann.
 Köt von Engheln in Schafarn
 Baz gang in Betlem gamacht,
 Seü gleeent in de mittenacht
 Zo naighen z' halghe Kint.
 De vennenz da in an pearle
 Affan an minsche höbe,
 In an hüderle gröbe.
 Un ist von Gott dar Sun!
 Gabüart in bintar-zait
 In armakot, un vrise,
 Z' öxle allóan, mit plise,
 Un z' esele 'haltenz barm.

Gasegt an stearn in hümmel,
 Draí mann von morgoud läntar
 In könighe gaväntar
 Leghensich af an bek.

Un nach von demme marche
 Seü vor Sionne kanten,
 Den Gott gabüartet vänten
 Von Betlem in an stall.

Se'naighent alle drai
 Ihn, un de libe Vrau,
 Un schenkent gahnighet au
 Vairoch, Miarn un gold.

Oh Gott ba d'allez möghet!
 Von eüch beghen ist hümmel,
 D'earda, dar gliz, dar tümmel.
 Un Iart gabüart só arm!

Mit disar hoghe schule
 Iart liernet, Vater ündar,
 Üz andarn armen sündar
 Beln bek zo treffen ist.

DAR OSTERNTAK.



Béar ist auf gastannet
 In z'martarn só zorgannet?
 Alle-Alleluja.
 Dar Christ von allar klaghe
 Stann auf imm'Osterntaghe.
 Alle-Alleluja.
 Un böarar nia auf stannet,
 Böar alla belt zorgannet.
 Alle-Alleluja.
 Sait, ar nun auf stannet ist,
 Biar cloben in Jesun Christ.
 Alle-Alleluja:
 Ar nam dez Keüze in sain hant,
 In seghent ghet allen lant.
 Alle-Alleluja.
 Üz christan, halghez Kreüze,
 Bohüt mit dime glaüze.
 Alle-Alleluja
 Da kammen au drai Vraughen
 Un böltent z'grab auf-schiaughen
 Alle-Alleluja.
 Köt in Mariin dar Enghel:
 Ear ist, net mear hat mænghel.
 Alle-Alleluja.

Hia pötar untar 'n stoan lak
 Vorporghet af an drain tak.
 Alle-Alleluja.
 Sain csellen ködez palle,
 Zoa az da bicensz alle.
 Alle-Alleluja.
 Bar sölle alle froh sain,
 Bölten Christ ünzar troast sain.
 Alle-Alleluja.

ANDARZ OSTERNGASANG

Ba banderte d'ünzar Vrau,
 Ba bandarte in vrömede land?
 Un hat den Jesus nindart dorvant.
 Habetar nindar gaseghet
 Den liborsten Sun den main?
 Un den halgosten Gott den main?
 Ich sagten bul nechtent spete,
 Vor Juden-haus aufgheen.
 Un vor Juden-haus aufgheen.
 Baz trigar af sainar haüte?
 A croana un a Kreüze.
 A croana un a Kreüze.
 Ba trigar z'halghe Keüze?
 Ear trighez auf den pergh.
 Bittan martar groaz ar het!

Ba trigar nun de cróana?

Ear tringhese in de stat.

Biltan paine ear nun hat gat?

Muter auf, Vrau mutter,

Lacetach nicht vordrissen,

Un lacetach nicht vordrissen,

Dar hümmel raich ist eüre,

De paine da ist bul main,

Un de paine da ist bul main.

Baz schiket Gott zo koofen?

An rosa, un an verban plut,

An rosa un an verban plut..

In lesten von sain zaiten

Se' tüünt bul ime ganuc

Un dort allar belte ganuc.

ÜBAR IN FINKESTAK

O von dar earden kéberlen,
Iart krabelt dort de gréselen
Un vludart af de hébberlen,
Un lebet dort de béselen.
Oh von dar höghe vöghellen,
Iart vludart dort de béllelen,
Un singhet af di pöghelen
Lebeten dort de téllelen.
Gott gebach gute präsemeln,
Un schenkach langhe täghelen,

Un de ghesunt in kösemle,
 Un sperach nia de béghelen.
 Heüte sait ghet snatterten,
 Vluderten mit den vetteglen,
 Un nerreten un scherzeten
 Auz dort stone un pletteglen.
 Dar Gaist ist heüte kemmet
 Aber vumme hümele;
 Ear von dar belte nemmet
 Alla de bille un de übele.

JEREMIAE PROPHEAE LAMENTATIO

Quomodo sedet civitas plena populo etc.
 (Cap. 1. v, 1 — 5).

Ah bia sbach sitzet alloan un lear,
 Deü stat so voll mit volk un ear!
 Bia raicha bitba d'alz hat vorloart
 Alla vorknüfelt nemear hat boart.
 Di fürsten, ba an tak barn iare herte,
 Gamacht saint heüte als iere birte.
 Ghesböllet d'oghen si seüftet, schoant,
 Di ganzen nechte si gheült un boant.
 Die alten püüle, iar liib a zait,
 Nemear si grüüzent, von iar stent bait.
 Un alle schentense gapaurn un vreünte,
 Di pesten csellen gamacht saint vainte.

Sin alten hóomont Juda hat galazt,
 Brum herte kettlenghen habentin vorvazt.
 Ear bar zu stenan in lentar bille,
 Ba dar net vante kon vride un stille.
 Alle di ba süüchent iar stete in toat,
 Dorgrifet habense in alla iar loat.
 Hia gheüln de beghe, brum ist net mear
 Bear ghit in vaertaghen de höherste ear.
 Ir duppel töardar, di starken pruken
 Saint alle af d'erda gaslatt in stuken.
 Di ploochen töchtare vil loodek schoant,
 Iar ellan fassen un altar boant.
 Un si bograbet in loode un seüfte,
 Licht si net paitet, vor si da leüchte.
 Vainte un vrömede saint bul un palle
 Mit iarme guute garaichart alle.
 Abia vorhoazet hat iar Gott an tak
 Iarn gröözorn sünten den birsten slak,
 De kindar seghenten dort'z lant gapunt,
 Z' herze von neügeme kam iar vorbunt.



65660720

IN SEMINÁRIEN
VON PÁDEBE

1842

~~~~~  
*Ferth Kreuzer 7.*  
~~~~~